

Transkription von Stadtbucheintrag HDL 1330b

Ort, Datierung: Haldensleben, um/nach 1330

Signatur: Stadtarchiv Haldensleben, Repertorium 9, Stb. II; 5v-6r; 6v-7r; 7v-8r

[5v-6r; 6v-7r, 7v-8r]

Henning benstorp de het ge wesen hir vor hegedem dinge vnde / het be wiset her henning bref von
irkersleue vnde her ludolfus / von warmstorp vnde hanses von gropendorp vnde dar tu sine / lant lude
wol tvintich dat he vnscondich si ver retnisse des greuen / von stillebocke /¹ vricke de beder de het ge²
geuen siner husurowen gesen alle dat he / heuet vn vmber mer gewint vn erer tvier eruer de wile dat /
he leuet so wel he des siluen weldich wesen /¹ Deneke bouenblot het op ge laten ene halue marc geldis
in / sime houe ludeman benneken vn ene halue marc in emersle=/ues houe oc ludeman emersleue het
op ge laten eyne halue marc / geldis in sime houe vnde in sime scaphoue /¹ Hannes benneken het
gegeuen siner husurowen gesen alle dat / he heuet vnde vmber mer gewint vnd erer tuier eruer des /
wel he siluen weldich wesen de wile dat he leuet /¹ Gese hanses husurowe benneken de het op ge laten
ene marc geldis / ludeman benneken in heynen houe pistes ? /¹ Hin(ric) von donstede de het op ge
laten sinen hof sien herbordes husuro=/wen , molneres , des /¹ Albrecht gutiar de het gegeuen siner
husurowen mechtilde sinen / hof vnde alle dat he heuet vnde vmber mer gewint des wel / he siluen
weldich wesen de wile dat he leuet /¹ [...] het op ge laten teyn ? scilling ? geldis in siner des houe ? des ?
/ scroders ? vnde teyn scilling ? inne ? tilen ? houe ver mercken vnde vir / scilling ? inne tileken ? houe
des [...] vnde ? ander haluer virding / geldis in dem papen dike ? vnde vir scilling ? in dem garden / vor
dem hagen ? dre eruen [...] /¹ [...] het op ge laten hin(rich) ? griben inne wildeleden ? souen(e) ? in /
[...] ut vnde fehre ? scilling ? achter dem kore ? [...] houe / vnde achte scilling ? geldis in ener bode ?
tvisschen ? den cramen ? vnde vir / scilling ? inne tilen ? houe von dem wolde³ // thyle gruttem(er)e ?
svagere² dhy heft ghe gheue(n) syne(n) hof sy/me wyue greyte(n) vnde erer tuyer erue(n) vnde / alle
dat he hat nach syne(n) dode /¹ he(n)ni(n)g stastelan ? dhy heft ghe gebe(n) syne(n) viue / meytilde
vnde er eren tuyere(n) erueen syne(n) hal/ve(n) hof . vnde alle dat heft nach syne(m) dhode / heyne
vde(n) dhy heft ghy gheben syne(m) wiue / satreyen ? vnde erer tuyer erue(n) alle dat heft / nach
syne(m) dode /¹ vde dhy heft ghe sat syne(n) hof [...] wedue(n) vo(n) / kalue . vor . v . m(arc) ? . vor
hernuede ? . thu erer ky(n)der / hant /¹ Dhy wedue vo(n) rhode(n)sle(uen) . dhy heft . j . m(arc) ? alle
/ jar . inne bruneke(n)z hofve⁴ vo(n) hake(n)stede /¹ ha(n)nez vo(n) wellendorp . dhy heft alle jar . iiij .
[...] . ine scege(n)ntes ? houe . /¹ adelheyte dhii scultheyti(n)ne dhy heft op ghe late(n) / xl m(arc) ? .
i(n) dem . vordeste(n) houe vo(n) des scultheyten / wege vnde siner brüder . bar . dy scultheyte / dhy
heft ghe ghebe(n) . sine(n) wiue v(er) ? adelheyde // . l . m(arc) ? . i(n) sine(m) reydeste(n) ghude vnde
siner brudere / vnde aler scabhe . dhisce ghyft heft hy ere / ghe gebe(n) vor dhy ghift dhii shi op ghe
la/ten heuet . /¹ bulstry(n)ge dhy heft ghy ghebe(n) cho ? be(n)neke(n) . xvi . m(arc) ? / thu syner
sustere(n) hant in syne(n) houe . nach sine(m) dode / brant vo(n) kalleu(er)de ? dhy heft ghebe(n)
syne(m) wybe . mette(n) / v(n)de ere(n) tuyer(n) eruen sy(n)e habe(n) ? hof vnde alle / dat hii hat nach
syne(m) dode . /¹ heyne vo(n) wellen dhy heft ghy ghebe(n) syne(m) vibe / j(u)te ? vnde ere(n)
tuyere(n) eruen alle dat hy hat / nach sine(m) dode . op hy sterft so scal syn jrste / shone . mhyt
syne(n) vybe dhy he nhu heft vn(de) / mare(n) ? andere(n) ky(n)dere(n) lhyken teyl nemen /¹ bartolt
dhy scultheyte vnde syene brud(er)e / hynze vnde wedege dhy hebbet ghy willeko/ret . xl . m(arc) ? .

inalerme reydesten ghude vor adel/heyde der scultheytine des wil hy ghi weldi/ch wesen dhi wile dat hii leuet bartolt dhi / scultheythe . // Disse willekhore dhii scal stan also lange want / si vnt werre(n)t ? ere dhi . xl . m(arc) ? . dhi si vhere / hadde in dem vordesten houē /¹ hane(n) der weduen suager vo(n) ackendörp⁵ dhy heft ghy ghebe(n) syne(n) vibe / cunnen ? vnde eren tuiere(n) eruen alle dat hii hat / nach sine(m) dhode /¹ scone kynt heft ghi ghebe(n) syne(m) vibe mette(n) vn/de eren tuieren eruen sinen hof vnde alle dat / hi hat nach sine(m) dhode . /¹ he(n)nig scroder dhy heft ghi gheben sine(m) vibe / lenen vnde eren tuiere(n) erue(n) alle dat hii hat nach / syne(m) dhode /¹ he(n)nig der ratma(n) kneyt dhy heft ghy ghebe(n) / syne(m) vibe saffien v(n)de ere(n) tuyeren erue(n) alle dat / hii hat nach syne(m) dhode /¹ elwart dhy hef ghy ghebe(n) heyneke(n) synes bru/deres shone syne(n) hof nach syne(m) dhode . /¹ hanes koc dhy heft ghy ghebe(n) syne(m) vibe mette(n) / v . m(arc) ? . i(n) sine(m) reydesten ghude zuat dar bhoue(n) ist / dar scolē hebbe(n) sine jrsten kyndere dhy wile dat / hi leuet sho wel hys ghe weldych wesen /¹ hoyger vo(n) drake(n)stede dhy heft ghi ghebe(n) sine(n) sone / ha(n)nez sine(n) [...] /¹ ha(n)ne(s) dhy heft ghy gebe(n) de(n) selbe(n) . j m(arc) ? vrozi ? sue ? jytte(n) / heygeri ? // vnde erer tuier erue(n) vnde alle dat hy hat nach / syne(n) dode /¹ hoyger vo(n) drake(n)stede dhi heft ghi ghebe(n) sine(m) / wiue jutte(n) . j [...] . vnde alle dat hi hat nach / sine(m) dode /¹ ha(n)nes kind(er)e vo(n) eke(n)bardele(ue) hebbet op ghe late(n) ere(n) / hof erer muder /¹ bette ha(n)ne(s) wedue vo(n) eke(n)bardele(ue) dhi heft ghebe(n) / eren hof . vnde alle dat sy hat thy . bhi der / muren eren ma(n)ne /¹ thy bhi der mure(n) dhy heft ghi ghebe(n) sinem / vibe bette(n) vnde eren tuier(n) erue(n) sinen hof vn(de) / alle dat hii hat nach sine(m) dode /¹ thi bhi der mure(n) dhi heft ghi zat zine(n) hof / vor xv . m(arc) ? . heineke(n) ha(n)n(es) kinde vo(n) eke(n)bardele(ue) / hermeke [...] gherades sene vo(n) dodele(m) dhi heft op / ghe late(n) i m(arc) ? i(n) sine(m) houē⁶ /¹ An benneke het op ge laten virtheyn scilli(n)ge dhi hi hadde / in H . houē von stendal hin ? wedue von stendal dhi heft / op ghe laten den selben hof /¹ Fricke g(er)ben het ghe gheuen sinem wiue ghesen vn(de) eren / kinderen al dad he het na sineme dode /¹ Tide hordorp het op laten lazere sinen hof eine halue / marc be halt he iarlacs dar inne // ghese danils het op ghe laten ereme petro manne eren / hof vn(de) petrus erem man het ere weder ghe gheuen / vnde eren kinderen svat he hat na sine dode / sickele het sineme wiue geben geven vnde eren / kinderen svat he hat na sineme dode /¹ Oke n⁷ Johannes von caluorde hat op ghe laten alb(er)to / timngu ? in sinem houē eyne halue marc /¹ scref het ghe geuen vnser vrouē t^u marc vnde / eyne tu sinte iacobe na sineme dode vnde het ghe⁸ geuen / ludolfs wiue des marscales ermgarde den virdendil al / sines gudes vnde erer dochter gretē drȳdel al sines / gūdes na sineme dode /¹ Heydeke von jrkersleue het ghe geuen siner hus/vrowen vnde eren kinderen svat he hat nach sine=/me dode /¹ johan . kindere homūdes hinric vnde cone / vnde ere modere de hebbet op gegeuen radolf / von ovsfelt twisgen dem meydenburchs dam=/me vnde den tveren ? tven vnde der stat grauen / vor der meydeburchs brucke svas se dar binne ? / hebben /¹ Houē meÿster . io ? . von² mansfelt ? de het op ge laten / von hinsen dochter⁹ homutdes ? wegen⁹ der iunc=/vrowen de to olden¹⁰ haldessleue inne is svas se / hadde in den garden de . jo(n)ckinder ? sone homutdes ? / vnde ere muder op ge laten hebben in den vor / sproken garden radolf von ovsfelt /¹ Radolf von ovsfelt de het ge geuen hinsen homas / dochter im me closter tu oldenhaldessleue is² viij / scilling in dem huse bi werneken olt butere twigen ? / hanten ? cot ? ouer tu ereme liue svan se sterft so / scal dat weder vallen oppe radolf vnde op sine erven /

¹ Absatz

- ² eingefügt
- ³ von “[...] het op ge laten ... wolde” durchgestrichen
- ⁴ “ve” darüberschrieben
- ⁵ von “suager ... ackendörp” eingefügt
- ⁶ von “hermeke ... houe” durchgestrichen
- ⁷ “Oke n” durchgestrichen
- ⁸ “h” darüberschrieben
- ⁹ letzter Konsonant darüberschrieben
- ¹⁰ “l” darüberschrieben